

豫章羅先生文集十七卷

(宋)羅從彥撰 元至正二十五年(一三六五)

豫章書院刻本(卷四至六，八至十一配清抄本)。框高二十·二釐米，寬十三·一釐米。每半葉十三行，行二十三字，小字雙行同，細黑口，四周雙邊。

羅從彥(一〇七二——一一三五)字仲素，世稱豫章先生，南劍州劍浦(今福建南平)人。登建炎四年(一一三〇)特科，授廣東惠州博羅縣主簿。紹興五年卒，年六十四。淳祐間追謚「文質」。與楊時、李侗稱「南劍三先生」，又與楊時、李侗、朱熹並稱「閩學四賢」。父神繼公學有盛名，母尤氏通文字，善詩畫。從彥幼受家教，學有淵源。十歲能詩，文彩煥發。從學楊時於蕭山。時喜稱「惟從彥可與言道」。時稱「伊川(程頤)說甚善」，從彥即以師禮見伊川先生，從學三年，伊川稱「吾道南矣」。朱熹亦謂：「龜山倡道東南，士之游其門者甚衆，然潛思力行、任重詣極如仲素，一人而已。」(《宋史》卷四二八)從彥先後於洞天巖、南齋書院集群儒講學論道。其著述有《豫章文集》、《遵堯錄》、《春秋毛詩語解》、《中庸說》、《春秋指歸》、《語孟師說》、《台衡錄》、《議論要語》、《二程龜山語錄》等。《宋史》有傳。

此本乃曹道振編次，並撰《年譜》一卷，年譜卷端題「進士曹道振編次校正」。道振跋云：「先生著述最多，兵火之餘，僅存什一於千百。世所共見者，郡人許源所刊遺稿五卷而已（按《善本書室藏書志》卷二十九引者稱「此本今不存」）。道振不揆淺陋，嘗欲搜訪為文集，其年月可考，則繫以為年譜，久之弗就。邑人吳紹宗蓋嘗有志於是，近得其藁，乃加叙次，釐為一十三卷，《附錄》三卷，《外集》一卷，《年譜》一卷，凡一十八卷。先生五世孫天澤遂鋟梓，以壽其傳。因識其梗概於此。若夫訂其誤而補其遺，不無望于君子也。至正三年歲在癸未二月甲子延平沙邑曹道振謹識。」因《年譜》別置於前，獨立成卷，故題為十七卷。

祝尚書《宋人別集叙錄》卷十四「豫章羅先生文集」稱，「最早刻於宋末，今不存，僅存馮夢得序，並稱『咸淳庚午（六年 一二七〇），先生之從孫泰孫出此編示予，且求序』，所刻卷數不詳。次刻於元末，此本有卓說序、曹道振跋，且曹道振編次。五世孫天澤遂鋟梓。」所謂次刻於元末之本，實即此本。是書版本各家著錄多云元至正二十五年（一三六五）豫章書院刻本，蓋緣目錄後有「至正乙巳秋沙縣豫章書院刊」木記而

來，乙巳即二十五年。而是書卷首至正二十七年（一三六七）卓說之序，可看作豫章書院重刻是書始於至正二十五年，刊竣於至正二十七年，版本可作元至正二十五年（一三六五）至二十七年（一三六七）豫章書院刻本。惜卷一虽列經解之目，而其文久佚。卷四至六，八至十一惜亦缺，配清抄本，抄写却善。

此本為該書傳世較早且罕見之本。字體雋逸，雕鏤精湛，可謂元刊中之佳本。傳增湘《明嘉靖本豫章羅先生文集跋》稱：「余辛亥（一九一一）歲暮見一本於滬市，目後有木記云『至正乙巳秋沙陽豫章書院刊』，有田耕堂、郁泰峰藏印，喜其字體圓湛，楮墨精麗，汲汲求之不可得，聞為田中子祥（按《經眼錄》卷十四作「田中慶太郎」）收去，至今耿耿不忘。」此本雖無田耕堂、郁泰峰藏印，目後木記却同，故疑即此本。今藏南京圖書館。（孫迎春）